

甘肅青史略卷之五

南北朝

(王)劉宋明帝泰豫元年秋八月丙辰魏河西費也頭反薄骨律頭反擊走之

魏文帝大統元年遣李虎擊曹泥虎招諭費也頭之衆與之共攻靈州凡四旬曹泥請降虎克靈州

案朔方舊志甯夏即魏薄骨律鎮地靖虜廢渠即刀雍所欲開鑿者欲開鑿者沃野八百里則其地且應在應理上又云穀在河西轉至沃野越波沃野越波河東豈魏之沃野已非漢縣故地耶又水經注河從薄骨律鎮城又律鎮城又又經北支律又經渾懷障又歷石崖山然後經朔方臨戎三封等縣三封等縣

戰石崖山在今平羅縣然則漢朔方一郡地盡在今河套內矣又魏書太平真君五年以刀雍爲薄骨律鎮

案史明帝或文帝子在位八年改元二日泰始曰泰豫帝即位以來殺兄殺弟殺其兄之子再傳而亡宜矣泰豫元年夏四月帝殂太子昱立是爲蒼梧王亦稱廢帝

(癸)宋主昱元徽元年夏四月戊申魏詔假司空上黨王長孫觀等討吐谷渾拾寅

拾寅屢寇澆河詔平西將軍廣川公皮歡喜率敦煌州枹罕高平將軍爲前鋒司空上黨王長孫觀爲大都督以討之觀等軍入拾寅境芻其秋稼拾寅窘怖遣子

詣軍表求改過觀等以聞獻文以重勞將士乃下詔切責之徵其任子拾寅遣子斤入侍獻文尋遣斤還拾寅後復擾掠邊人遣其將良利守洮陽枹罕所統也枹罕鎮將西郡公楊鍾葵貽拾寅書以責之拾寅表曰奉詔聽臣還舊土故遣良利守洮陽若不追前恩求令洮陽貢其土物

秋七月乙亥蠕蠕寇魏敦煌鎮將樂洛生擊破之

先是延興二年蠕蠕寇魏晉昌守將薛奴擊走之至是復寇散煌

八月庚申魏主從太上皇帝幸河西吐谷渾王拾寅謝罪請降許之

冬十月魏敕勒叛遣太尉源賀討破之

魏沃野統萬二鎮敕勒叛遣太尉源賀討之皆降賀率衆追擊統萬高平上邽三鎮叛敕

勒至於金城斬獲甚衆詔賀督三道諸軍屯漠南先是每歲秋冬發軍三道並出以備柔然春中乃罷賀以爲往來疲勞不可支久請募諸州鎮武健者三萬人築三城以處之使三時務農冬則講武不從

案魏書源賀本傳賀西平樂都人南涼禿髮氏之後晉安帝常義熙十年南涼爲西秦所滅得檀子賀奔北涼久之歸魏魏王甚愛之賜姓源氏宋元嘉十六年魏主伐涼以賀爲鄉導涼州既下與禿髮禿髮保周略諸郡定之後爲太尉封隴西王以太武帝太平三年九月庚辰薨

魏詔平西將軍皮懷喜爲前鋒長孫觀爲大都督討吐谷渾拾寅降之

魏書省諸徒
教煌於涼州為
避寇也豈知我
能往安土重往
况人情安土重
遷萬一發生意
外將以避寇適
以招寇韓秀之
有見地故慮之
也深

陝西故漢中府
所屬之略陽縣
漢為沮縣地西
魏改為順政縣
其地與隴南鄰
或者不知隴南
秦州略陽為陝
西路陽

(甲)宋元徽二年秋七月己卯魏曲赦仇池

蠕蠕寇魏敦煌鎮將多侯大破之

柔然寇魏尉多侯擊破之尙書奏敦煌使遠介居二寇之間恐不能自固請徙之涼州郡臣皆以為然終

事中韓秀曰敦煌雖逼強寇然人習戰鬪足以自全而能隔閡二虜使不得通今徒就涼州不唯有盛國之名且姑臧去敦煌千餘里防邏甚難二虜交通騷動涼州則關中不得安枕又士民重遷或招外寇為國深患不可不慮也乃止

八月庚子吐谷渾國遣使朝獻於魏

先是秦始六年魏擊吐谷渾敗之是年二月吐谷渾寇魏魏遣兵討降之至是遣使朝獻

案史蒼梧王名煜明帝養子在位四年改元元徽帝昱自京口既平驕恣尤甚罪浮於桀羣小伺間因而斃之以元徽五年秋七月宋中領軍蕭道成弑其主昱自為司空錄尙書事迎立安成王準是為順帝

(己)宋順帝昇明元年春正月己酉魏秦州略陽民元壽叛

元壽聚眾五千餘家自號衝天王二月辛未秦益二

州刺史武都公尉洛侯討破元壽獲其妻子送京師

案秦州略陽故縣在今秦安縣東北九十里漢置略陽道屬天水郡後漢改屬漢陽郡三國時曹魏置廣魏郡西晉太始中改郡為略陽治臨渭後魏併入隴城縣隋開皇二年廢

略陽郡改曰河陽
六年復曰隴城

冬十月武都王楊文度襲魏仇池陷之

先是文帝元嘉二十九年蕭道成領偏軍征仇池梁州西界舊有武興戍平隆安中沒屬

氏武興西北有蘭皋戍去仇池二百里宋師擊二壘皆破之梁州刺史劉芳之遣司馬助道成攻談提城又拔之魏救兵至遣成軍力疲少又聞文帝崩乃燒城還至是文度遣弟鼠襲仇池陷之道成所利用也

十二月魏以征西將軍廣川公皮歡喜鎮西將軍梁醜奴平西將軍楊靈珍等

率衆四萬討楊鼠

閏十二月歡喜到建安楊鼠棄城南走

(戊)宋昇明二年春三月丙子魏以河南公梁彌機爲宕昌王

夏六月丁酉宋以輔國將軍楊文弘

是爲仇池楊氏第十七世

爲北秦州刺史武都王

先是昇明元年

十二月魏遣員外散騎常侍李長仁使於建康閏十有二月壬寅魏將軍歡喜等攻陷葭蘆斬文度傳首京師至是宋立其弟文宏爲北秦州刺史武都王退治武興文宏小名鼠即上年襲陷魏仇池者也又以楊文慶爲征西將軍

此居人一等之民
中服族乎
任武既滅
太武既滅
氏又用其
以國份子
以國份子
以國份子
以國份子

秋七月戊辰宋遣將入魏仇池魏陰平太守楊廣香擊走之廣香楊雖當族弟後降齊

（已）宋昇明三年齊太祖高帝蕭道成建夏五月魏葭蘆鎮主楊廣香降齊齊當以

弟廣香為西秦州刺史魏之為仇池公楊靈珍為武都王皆暫假名號使為北朝寇難不久旋自消亡皆非楊氏正支

秋九月魏隴西王源賀卒賀為人雄果每戰先登陷陣本名破羌魏以太武帝賜名賀深誠之也太武征涼州賀請宣諭其祖父舊人祖父者故南

涼王秃髮得檀也宗愛構難賀勒兵靜遏內外後以翼戴文成

進爵西平王改封隴西王晚年著十二陣圖至是卒諡宣王

案地理志破羌縣名前漢宣帝神爵二年置屬金城郡後漢涼州刺史部金城郡十城而破羌居其一隋改破羌為湟水縣即今西甯之老鴉城十三州志湟水在破羌縣南門東

過是已其故城在今青海樂都縣東五十里南涼郡城在今樂都源賀初以破羌為名不忘故土也

案源賀南涼秃髮子仕魏進爵西平王子延思禮延侍御中散爵廣武子子鱗襲恩禮北馮翊郡開國公子子邕子恭襲樂平縣公冀州刺史新成縣子纂太府少卿子恭子

彪以功賜臨穎縣伯齊文宣帝建二年遷涇州刺史子師齊尚書左丞隋刑部侍郎纂子雄隋進位上柱國賜子崇爵端氏縣伯

慕壽祺曰現今世界強國或取一地或滅一國對於素負聲望及富有知識者必盡殺而後已蓋見夫夏有少康起而中興楚有三戶足以亡秦國有人焉故也此皆著之前典昭

之後王前車之覆轍後車之明鑒故甲國征服乙國惟恐知識分子死灰復然乘其未起極力摧殘雖活埋而亦置若罔聞矣魏主重用源賀其豁達大度有足稱矣案史順帝名準明帝子齊王蕭道成所立在位三年改元昇明昇明三年夏四月道成自稱皇帝宋主下詔禪位於齊王敬則逼帝出居別宮曰官先取司馬家亦如此帝彈淚而泣曰願後身世世勿生天王家自劉裕庚申受晉禪有江表之地至順帝戊午共五十九年而宋之天下為齊所有矣

南齊

(庚)齊建元二年
(申)魏太和四年

夏五月乙卯河南王吐谷渾拾寅奉表貢獻於齊

先是元年五月高祖進河南王

吐谷渾拾寅號驃騎大將軍

秋九月丙辰齊以魏茹盧鎮主陰平公楊廣香為沙州刺史

案隋州志葭蘆故城在州東南七十里三國時姜維與鄧艾相持於此置葭蘆戍復置縣後為仇池氏所據齊建武初葭蘆入西魏置武陽郡置葭蘆縣後周郡縣并廢

冬十二月齊以楊後起

是為仇池楊氏第十七世

為秦州刺史武都王

後起楊文宏之從子也

(辛)齊建元三年
(酉)魏太和五年

夏五月鄧至羌入貢於魏

鄧至羌者羌之別種也有像舒治者為伯水酋帥自稱王其地北與宕昌相接風俗

物產亦與宕昌略同自治至櫓柎十一世魏恭帝元年櫓柎失國來奔太祖令章武公導率兵送復之

案文縣志鄧至城在縣西徼外後魏太和五年鄧至國朝貢周書魏恭帝元年鄧至王來奔水經注白水東南經鄧至城南元和志鄧至故城在同昌縣南三里

魏拜吐谷渾伏連籌爲西海郡公

太史公曰夫作事者必於東南收功實者常於西北革新以來識時俊傑對於青海一隅人人有開發之心亦人人有開發之言而迄今仍並無開發之實豈蒙番之地宜牧而不宜耕歟余嘗推求其故而知青海之尙未開發者人才之難得經費之難籌故習之難除畛域之難化居蘭州而唱高調雖冠蓋絡繹於途表冊調查萬千以求實效難矣然則今日所急惟有堅心毅力自始至終吃苦耐勞以收功實於鮮水則以西北之人任開發之責中國前途其有夥乎

冬十月戊子齊以河南王世子吐谷渾易度侯爲西秦河二州刺史河南王是

九月吐谷渾王拾寅卒子度易立

案齊高祖名道成纂宋天下改元建元帝博學能文性情儉約每日使我治天下十年當使黃金與土同價以建元四月春二月殂太子頤立是爲武帝

(癸亥)齊武帝永明元年冬十二月魏始禁同姓爲昏魏人居華夏事慕中國聖人之教至是又有同姓爲昏之禁其視

蒙古之子承父妾兄收弟婦
至於國終而不知變也異矣

魏秦州刺史于洛侯有罪伏誅

洛侯性殘酷刑人或斷腕拔舌分懸四體州人皆反有司劾之魏主遣使至州召集吏民宣布洛侯罪乃斬之

殺人者人恆殺之也時有濟州刺史韋麒麟者為政尙寬從事劉普慶說曰公杖節方夏而無所誅斬何以示威麒麟曰刑罰所以止惡仁者不得已而用之今民不犯法又何誅乎若必斷斬然後可以立威當以卿應之普慶慚懼而退

慕壽祺曰昔後涼呂光龍飛二年西平人郭騰反略地之際王孫八人年幼悉隨乳母先在東苑磨遂盡投王孫於鋒刃之上或枝分節解飲血盟衆覩者無不掩目寒心而磨意氣喟然見太平御覽又宋史王彥昇傳開寶二年由防州防禦使移原州西人有犯漢法者彥昇不別刑召僚屬飲宴引所犯以手摔斷其耳大嚼卮酒下之其人流血被體股慄不敢動前後瞞者數百人西人畏之不敢犯塞郭磨么麼草寇彥昇對待敵國用刑慘毒聞之猶令人鼻酸刺史為字人之官民果當刑則哀矜之而不仁乃至此乎洛侯之誅也

宜固

(甲)齊永明二年齊北秦州刺史楊集始

是為仇池楊氏第十八世降魏

集始將象萬餘自漢中北出規復舊地魏梁州刺史

楊椿將步騎五千出煩下辯遣集始書開以利害集始遂復將其部曲千餘人降魏魏人還其爵位使歸守武興

西魏增置北秦
州後改爲交州
其地在秦安縣
東北
南秦州即今成
縣蓋在秦州之
南故名

(乙)齊永明三年夏六月庚戌齊進河南王易度侯爲車騎將軍

秋七月魏以梁彌承爲宕昌王

初宕昌王梁彌機死子彌博立爲吐谷渾所逼奔仇池魏仇池鎮將穆亮以彌承爲衆所附擊走吐谷渾立之

而

八月丁巳齊以行宕昌王梁彌頡爲秦河涼三州刺史

魏書三年七月遣使拜宕昌王梁彌機兄子彌承爲

宕昌王與

此互異

(丙)齊永明四年春正月丁未齊以武都王楊集始爲北秦州刺史武都王

前武都王

楊後起卒種人集始立集始文宏之子也後起之弟爲白水太守至是詔襲封爵魏亦以集始爲武都王集始入朝於魏魏以爲南秦州刺史

(丁)齊永明五年秋八月乙酉齊以行河南王世子休留代爲秦河二州刺史

太和十一年

魏北地人支酉作亂

支酉聚數千人於長安城北西山起義遣使告梁州刺史陰智伯秦州人王度人起兵應酉攻獲魏刺史劉藻秦雍間七州民皆響

震衆至
十萬

(戊)齊永明六年魏夏五月甲午齊以宕昌王梁彌承爲河涼二州刺史

(壬)齊永明十年魏秋七月吐谷渾遣子入朝於魏初魏主召吐谷渾王伏連籌入朝不至而修洮陽泥和二戌置兵馬

魏遣兵伐之拔二戌及馮后之喪使人告哀伏連籌拜命又不恭羣臣請討之魏主不許又請還其貢物魏主曰貢物乃人臣之禮今而不受是棄絕之彼雖欲自新其路無由矣因命歸洮陽泥和二戌於吐谷渾遣其世子賀虜頭入朝

案一統志洮陽故地名秦漢以來爲諸戎之地晉魏時爲吐谷渾所據後周置洮陽郡尋立洮州隋初郡廢大業初州廢置臨洮郡唐復爲洮州治美相貞觀中徙治臨渾開元中改臨州後復舊又改臨洮郡唐末陷於吐蕃

(癸)齊永明十一年魏秋九月魏將盧淵等討辛酉王度人等大破之先是十七年秋九月秦州民王

度人起兵應北地民支酉攻執刺史劉藻秦雍七州皆震民皆響應衆至十萬各守堡壁以待齊救魏河南王幹及穆亮與戰皆不利西等進向長安盧淵薛胤等拒擊大破之降者數萬淵唯誅首惡餘悉不問獲西斬之明年將軍楊大眼討滅之

(甲)齊主昭業隆昌元年昭文延興元年高春正月辛亥吐谷渾拾寅遣子費斗斤

(戊)宗明帝鸞建武元年魏太和十八年

入侍於魏魏與吐谷渾氏通婚始於此

案魏書道武七王傳河南王曜長子提世祖時襲爵改封潁川王後改封武昌薨長子平原襲爵薨次子鑒襲薨鑒兄和襲正光四年薨子謙字思義襲爵莊帝初於河陰遇害武昌王妃吐谷渾氏誌僅稱武昌王妃不著其夫之名字官秩惟妃既薨於建義元年又曰同窆王陵則為謙妃無疑也妃為吐谷渾國主永安王斤之孫仁之長女東陽王之外孫案魏書吐谷渾傳吐谷渾本遼東鮮卑徙河涉歸子也涉歸本名奕洛韓庶長曰吐谷渾至孫葉延以吐谷渾為氏其後樹洛干子拾寅立自恃險遠頗不恭命屢寇澆河皮欺喜長孫觀等討之拾寅窘迫詣軍表求改過顯祖徵其任子拾寅遣子斤入侍尋遣斤還高祖紀延興四年正月辛亥吐谷渾拾寅遣子費斗斤入侍誌云永安王斤之孫斤亦稱費斗斤即拾寅之子遣之入侍者惟斤之子仁及妃之外祖太尉公三老錄尚書東陽王於史無徵耳

夏四月齊以前沙州刺史楊昱為沙州刺史

先是永明元年春二月辛酉以征虜將軍楊昱為沙州刺史

案史齊武帝名蹟高帝子年號永明在位十一年殂太孫鬱林王昭業立年號隆昌在位半年為蕭鸞所弑立武帝孫海陵王昭文年號延興在位三月為蕭鸞所篡是為明帝帝高帝兄子廢鬱林海陵而代立在此位五年改元二曰建武曰永泰

(己)齊建武二年魏太和十九年春二月魏元英伐齊仇池楊氏擊敗之魏遣元英伐齊梁州

刺史辛黑未戰死英遣軍副仇池公楊靈珍據泥公山武興城主楊集始遣弟集郎與歸國氏楊馥之及義軍主徐曜甫迎戰於黃巨大敗奔歸時梁州士毫范凝梁季羣於家請英設會伏兵欲殺英事覺英執季羣殺之凝竄走英退保濁水聞氏衆盛與楊靈珍復俱退入斜谷會天大雨軍馬含漬載竹資米於馬上持炬炊而食英至下辨靈珍弟婆羅阿卜珍反襲擊英衆散射中英煩魏陵江將軍悅楊生領鐵騎死救之得免梁漢平

氏王楊旻卒

明年春正月丁卯以旻子崇祖爲沙州刺史封陰平王

秋七月辛卯齊以楊馥之爲北秦州刺史仇池公

初魏拓跋英之寇漢中也沮水氏楊馥之爲齊擊武興氏楊集始破

之至是齊以馥之爲北秦州刺史仇池公

慕壽祺曰北朝之局開自後魏道武帝二傳至太武帝嘗勇善用兵除并有中國北部外又破柔然高句麗波斯等國皆入貢武烈赫然三傳至孝文帝儉約慕先聖之政均民田立學校以平城僻陋遷都洛陽改元姓拓跋爲元與漢族通昏禁胡服胡語鮮卑族之同化中國帝功居多子宣武帝佞佛不修國政魏業始衰夫盈虛消長理有固然而孝文帝之改革可不謂之賢君乎哉

（丙子）齊建武三年魏太和二十年

春正月丁酉齊以陰平王楊旻子崇祖爲沙州刺史封陰平

王

(丁)齊建武四年魏
(丑)太和二十一年秋八月氏帥楊靈珍叛魏

魏以氏帥楊靈珍爲南涼州刺史靈珍舉州降齊襲魏武興王楊集始集始窘

急亦降於齊魏
遣李崇討之

九月魏伐氏克武興楊靈珍奔齊

李崇由槎山分道出氏不意表裏襲之羣氏散歸靈珍戰敗遂克武興靈珍奔還漢中齊以爲武都王魏

主聞之喜曰使朕無西顧之憂者李
崇也以崇爲梁州刺史安集其地

冬十一月丙辰齊以氏楊靈珍爲北秦州刺史仇池公武都王

十二月魏高昌弑其君馬儒立榆中人鞠嘉爲王

儒遣使入貢於魏求內徙魏主遣人迎之使居伊吾高昌人安土頂

遷相與殺儒立嘉爲王嘉復臣柔然其子曰伯
雅繼爲王唐書有傳錄於此卷第四十二頁

案鄭樵通志馬武既立爲高昌王以羣願禮鞠嘉爲左右長史二十一年儒遣司馬王體
元奉表朝貢請師迎接求舉國內徙魏孝文納之遣明威將軍韓安保率騎千餘赴之割
伊吾地五百里使儒居之至羊橐水儒遣嘉禮率步騎一千五百迎安保去高昌四百里
而安保不至禮等還高昌安保亦還伊吾安保遣使與韓興安等十二人使高昌儒復遣

願禮將其子義舒迎安保至自棘城去高昌百六十里而高昌舊人情戀本土不願東遷相與殺儒而立麴嘉為王嘉字靈鳳金城榆中人既立臣於蠕蠕

案高昌壁故屬敦煌後漢書云車師國在車師城後漢和帝永元三年班超定西域之後置戊己校尉領兵五百人居車師前壁即高昌壁也漢武帝遣兵西討師旅頓弊其中尤困者因駐焉地勢高敵人庶昌盛故立高昌壁自高昌壁北通車師後部金蒲城五百里此西域門戶故戊己校尉更互屯焉晉咸和中張駿於此立高昌郡後魏孝武時有闕爽者自為高昌太守至真君中為沮渠無諱所襲因據之至和平元年為蠕蠕所併蠕蠕以闕伯周為高昌王自此以後每有立者輒為人所殺其後立麴嘉為王傳國九代至智盛不循職貢唐貞觀十四年討平以其地置西州

(戊寅)齊永泰元年魏秋八月高車叛魏九月魏主引兵還討降之魏發高車兵南伐高車憚遠役奉表

紇樹者為主相帥背叛魏主遣將軍宇文福討之大敗而還更命將軍江陽王繼討之尋聞齊高宗殂下詔稱禮不伐喪引兵還北伐高車會得疾甚篤彭城王勰內侍醫藥外繼軍國之務遠近肅然人無異議又密為壇於汝水之濱告天地及顯祖乞以身代魏主疾有間十一月至鄴江陽王繼上言高車頑昧避役逃遁若悉追戮恐遂擾亂請遣使慰諭樹者一人餘加慰撫若悔悟從役即令赴軍從之於是反者往往自歸繼遣人慰諭樹者樹者亡入柔然尋自悔相帥出降魏主善之曰江陽可大任也遂班師

(乙卯)齊主寶卷永光元年冬十二月癸未齊以前輔國將軍楊集始為秦州刺史魏主太和二十三年

(辛)齊和帝寶融中興夏五月魏咸陽王禧與氏王楊集始謀反禧伏誅

魏主既親政事嬖倖

擅權禧意不自安與妃兄李伯尚氏王楊集始等謀反會魏主出獵北邙禧欲發兵衆情不一至晡遂散集始既出即馳至北邙告之魏主倉猝不知所爲左中郎將于忠曰臣父留守必無所慮魏主遣忠馳觀之于烈即分兵嚴備使忠還秦曰此屬猖狂不足爲慮願陛下清蹕徐還以安物望魏主遂還烈遣直閭叔孫侯收禧賜死於第以其家財分賜高驤趙修之家及中外百官魏主以禧無故而反由是益疎忌宗室

案史齊明帝鸞以永泰元年秋七月殂太子寶卷立是爲東昏侯在位二年年號永元帝於永元二年被弑南康王寶融代立是爲和帝改元中興在位二年中興二年夏四月帝禪位於梁於是梁王蕭衍稱皇帝是爲梁高祖廢和帝爲巴陵王梁主衍旋弑巴陵王於姑孰南齊從此亡矣

尹起莘曰嗚呼爲帝爲王者皆起自匹夫一旦而居九重之尊享四海之福孰不欲傳之千萬世而無窮哉然而積德不宏貽謀不遠遂因而滅其先世自受姓以來千萬世之宗祀者亦有之矣方漢之衰也魏得之魏之衰也晉得之晉衰而宋得宋衰而齊得漢之山陽魏之陳留猶得終其天年宋於零陵直殺之而已然猶有遺種焉至於齊乃掩汝陰之族類而滅之嗚呼漢得天下以善而人亦報之以善故獻帝雖廢猶得善終晉則弑君矣故其後也人亦弑之然彼猶善待其所禪之人也至於宋則既受其禪又弑其人此其所以得族滅之報也歟

梁

(壬午)齊中興二年梁高祖武帝蕭衍天監元年魏景明三年是歲齊亡梁代夏四月梁以鎮西將軍河南王吐谷渾休

留代進號征西將軍

閏四月丁酉梁以行宕昌王梁彌邕爲安西將軍河涼二州刺史正封宕昌王

六月梁以行北秦州刺史楊紹先爲北秦州刺史武都王

秋八月乙巳梁以平北將軍西涼州刺史象舒彭進號安西將軍封鄧至王

(癸未)梁天監二年魏以車騎大將軍涼州大中正源懷爲行臺巡北邊魏既遷洛陽北邊荒

遠因以饑饉百姓困斃乃加僕射源懷行臺使持節巡行北邊賑貸乏竭殿最事之得失先決後聞懷通濟有無饑民賴之沃野鎮將于祈后之世父與懷通婚時于勁方用事勢傾朝野祚頗有受納懷將入鎮祚郊迎道左懷不與語即劾奏免官祚鎮將元尼須與懷舊交貪穢狼籍置酒謂懷曰命之長短擊卿之口懷曰今日源懷與故人飲酒之生非物獄之所也明日公庭始爲使者檢鎮將罪狀之處耳竟案抵罪懷又奏邊鎮事少而置官猥多沃野一鎮自將以下八百餘人請一切五分損二魏主從之